



Pele Broberg, Naleraq
Inatsisartunut ilaasortaq

§ 37 naapertorlugu apeqqutip nr. 106/2026-p akineqarnera

Ulloq: 09-07-2026
Suliap nr.: 2026 - 11726
Allagaatip nr.: 26584075

Asasara Pele Broberg,

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuunneqartut qujassutigaakka. Apeqqutit issuarneqarput ataanilu akineqarlutik.

1. **Peqqinnissaqarfik aamma Inuunerissaavik Steno Kalaallit Nunaat ullumikkut oqimaappallaartunut imaluunniit pualavallaartunut sanigorsarnermut nakorsaatit neqerooruteqarnermi piumasaqaatit suut tunngaviuppat?**

Akissut:

Inersimasunut, uuttuut body mass index (BMI), malillugu 40 kg/m²-inik oqimaassuseqartunut sinnerluguluunniit, taamatullu oqimaappallaarnermik tunngaveqartumik napparsimasunut, ilaatigut oqimaappallaarnermik aallaaveqartumik type 2 diabetesseqalersimasunut, aakkut qaffasissumik naqitsineqalersimasunut søvnapnøqalersimasunullu, nerisaqarnikkut timersornikkullu aqqutissiorneqarnissaanik ilaatigullu nakorsaammik Wegovymik (Semaglutid) katsorsarneqarnissaanik neqerooruteqartoq Kalaallit Nunaanni Peqqinnissaqarfimmiit ilisimatitsissutigineqarpoq.

Katsorsaanerit, sumiiffinni inuunerissaaviit suleqatiginerisigut, qitiusumik Steno Diabetes Centerimi ingerlaneqartarput. Sumi najugaqarneq apeqqutaatinnagu, nunatsinni innuttaasunut tamanut tamanna neqeroorutigineqarqullugu, attaveqaatitigut aqqiissutit soorlu Pusa aamma doktor.gl aqqutigalugit tamanna qulakkeerneqartarpoq.

2. **Naalakkersuisut uppersarsinnaavaat sanigorsarnermut nakorsaatit nalinginnaasumik aatsaat BMI 40 sinnerlugu pualavallaartunut, kiisalu pualavallaarnerup kingunerisaanik nappaatilinnut neqeroorutigineqartartut?**

- a. **Taamaappat, taamatut inissiisimaneq suna tunngavilersuutaava?**

Akissut:

Uuttuut BMI malillugu killiliussaq 40 kg/m²-miitinneqassasoq,
Peqqinnissaqarfiup tulleriissaarisarnermut ataatsimiititaliaannit ukiassami
2022-mi aalajangerneqartoq Peqqinnissaqarfimmiit
ilisimatitsissutigineqarpoq.

BMI malillugu 40 kg/m²-imiit killiliussaritinneqartoq
oqimaappallaarujussuarnerup kingunerisaanik toqujaartoqartarneranut
attuumassuteqartarpoq, taannaavorlu nappaateqalertarnerit allat
apeqqutaatinnagit, pilatsittoqarnissaanut Danmarkimi killigititaasoq.
Tamanna aningaasaqarneq tunngavigineqarluni ima aalajangerneqarpoq:

- 1) Peqqinnissaqarfimmi missingersuutit akuerisaareersut,
qaavatigut ilanngikkaluarlugit, katsorsaasoqassaaq,
- 2) Piffimmi pineqartumi oqimaappallaarujussuurtut amerlassusaat
kisitsisaatigineqanngilaq, aamma
- 3) Nunatsinni oqimaappallaarujussuurtut nakorsaattigut
katsorsarneqarnissaanut misillitagaqartoqanngilaq.

b. Taamaanngippat, ullumikkut piumasaqaatit suut atuuppat?

Apeqquut 2a takuuk

3. Innuttaasut qassit ullumikkut Peqqinnissaqarfimmi/ Inuunerissaavik Steno Kalaallit Nunaat sukkornermut, sukkornissamut aarlerinartorsiornermut, oqimaappallaarinermut imaluunniit pualavallaarinermut tunngatillugu neqeroorutitut attuumassuteqarpat?

Akissut:

Nappaatinut pineqartunut tunngatillugu tamanna attuumassuteqartoq
Peqqinnissaqarfimmiit erseqqissaatigineqassaaq, tassa innuttaasut
oqimaappallaartut oqimaappallaarujussuurtulluunniit qanoq
amerlassuseqaraluarpataluunniit sukkortuummata imaluunniit
sukkulernissaminnut aarlerinaateqarmata.

Sukkortut 2152-t Steno Diabetes Centerimi maannamut katsorsarneqartut
ilisimatitsissutigisinnaavarput. Tamatuma saniatigut 3300-nit ikinnerunngitsut
sukkornissamut aarlerinaatillit ilanngunneqassapput, taakkuuppulli
sukkornissaminnut aarlerinaateqarneri imaluunniit oqimaassusaat BMI malillugu
40 kg/m²-init qaangerneqarsimappat Steno Diabetes Centerimit taamaallaat
malinnaaffigineqarmata.

4. Innuttaasut qassit ullumikkut sanigorsarnermut nakorsaatinik imaluunniit sukkornermut nakorsaatinik sanigorsarnermik kinguneqartartunik katsorsartippat, ilaatigut Wegovy, Ozempic imaluunniit nakorsaatit allat assingusut ilanngullugit?

Akissut:

Inuit 320-t, uuttuut BMI malillugu 40 kg/m²-t sipporlugit oqimaatsigisut
massakkut sanigorsaatitorput (Wegovy).

5. Ukiuni 2023, 2024, 2025 kiisalu 2026-mut naatsorsuutigineqartuni sanigorsarnermut nakorsaatinut aamma sukkornermut nakorsaatinut sanigorsarnermik kinguneqartartunut aningaasartuutit ataatsimut qanoq annertutigisimappat?

Akissut:

Ozempic (sukkortunut sanigorsaat) aamma Wegovy (sanigorsaat) atorlugit katsorsaannermi nakorsaatigineqartartunut ukiumut missingersuutaasut tabelimi peqqinnissaqarfimmeersumit takuneqarsinnaapput. Sulisut akissarsiaat tassani ilaatinneqanngillat.

Tabeli 1: Sanigorsaatitut sukkortunullu katsorsaatinik pisiortornermi ukiumut aningaassaliissutit (kr.) 2020-miit 2026-mut (missingersuutit)

	2020	2021	2022	2023	2024	2025	Prognose 2026
Metformin tabl.	136.630	128.109	111.518	152.945	128.497	142.743	140.000
Januvia tabl.	0	0	0	0	0	22.968	120.000
Jardiance tabl.	665.674	917.918	1.668.261	2.077.644	2.440.198	2.973.540	3.500.000
Ozempic inj.	658.887	2.718.213	5.349.082	8.472.955	7.865.035	6.066.507	5.500.000
Wegovy inj.	0	0	0	685.985	1.624.867	3.884.829	4.500.000

6. Naalakkersuisut nalilersuinikuuppat, innuttaasut qassit katsorsartinneqarnissamut ilanngunneqarsinnaalissagaluarnersut, katsorsartinneq siusinnerusukkut neqeroorutigineqarsinnaalissappat, ataasiakkaanut peqqinnissakkut aarlerinaatinik naliliineq tunngavigalugu? Assersuutigalugu, BMI 35 sinnerlugu pualavallaarneq aamma pualavallaarnerup kingunerisaanik nappaat peqatigalugu, imaluunniit BMI 30 sinnerlugu pualavallaarneq aamma pualavallaarnerup kingunerisaanik nappaat peqatigalugu,

Akissut:

Inuit 600-nik ikinnerunngitsut oqimaassusaat uuttuut BMI malillugu 35 kg/m² -t sipporneqartut napparsimassutaalersinnaasumik oqimaappallaartuusut. Peqqinnissaqarfimmit mianersortumik naatsorsuutigineqarpoq, ima paasillugu inuit katillutik 920-t, saniatigut inuit 320-t 40 kg/m²-t qaangerlugu BMI-qartut. Kisitsit eqqortut PhD-ngorniartumit allaaserineqarpoq, ukiullu affaa ingerlareerpat inernerit naammassineqassapput.

7. Naalakkersuisut qanoq naliliippat, apequt 6-imi assersuutitut taaneqartunut katsorsartinneqarsinnaaneq annertusineqarpat ukiumut qanoq akeqassasoq?

Inunnut 600-t 35 kg/m² -t sinnerlugu, kisianni 40 kg/m² ataallugu BMI-qartunut, nakorsaatit atorlugit oqimaassutsimik katsorsaannermit aningaasartuutit ukiumut

nakorsaatitut immikkut 8,1 mio. kr.-nik aningaasaliissuteqarnissamik pisariaqartitsissasut Peqqinnissaqarfik naliliivoq. Tamatuma saniatigut 2 mio.-nik ingerlatsinermi, nakorsanut, peqqissaasunut, timimik sungiusaanermut, diætistitut il.il., tassa imaappoq katillugit 10,1 mio. kr.-t aningaasartuuteqarnerulissaaq.

- 8. Naalakkersuisut peqqinnissakkut aningaasarsiorfik nallersuini kuuppat, oqimaappallaarnerup, pualavallaarnerup, sukkornissamut aarlerinartorsiorfik aamma sukkornerup siusinnerusukkut katsorsarneqartarneratigut 2 kingusinnerusukkut nappaatit kingunerisartagaat akisunerusartut pinaveersaartinneqarsinnaanersut?**

Akissut:

Suliassaqarfimmi peqqinnissakkut aningaasarsiorfik Suliassaqarfimmi peqqinnissakkut aningaasarsiorfik Nunat tamalaanni misissuinerit¹ takutippaat, innuttaasunut 35 sipporlugu BMI-qartunut inooriaatsiminnik allannguerusuttunut napparsimalersartunullu sanilliullugit Wegovy atorlugu katsorsaaneq nammineq akilerluarsinnaasoq. Nakorsaatitut pitsaasumik sunniuteqartarnera sukkornissamut uummatillu taqarsuaatigut nappaateqalinnginnissamik pinaveersaartitsinissamut pingaarnertut iluaqutaaneranut ataqatigiipput.

- 9. Naalakkersuisut qanoq naliliippat, oqimaappallaarneq, sukkornissamut aarlerinartorsiorfik aamma sukkornerup piffissaagallartillugu katsorsarneqanngippata peqqinnissamut qanoq kinguneqarsinnaasut?**

Akissut:

Oqimaappallaartut, sukkornissamut aarlerinaateqartut sukkortullu piffissaq eqqorlugu katsorsarneqartannginnerat innuttaasunut ataasiakkaanut peqqissutsikkut eqquisartoq Naalakkersuisunit nalilernerqarpoq, tamannalu Peqqinnissaqarfimmut artorsaatissiissutaanerusinnaavoq.

Innuttaasunik misissuineri nutaami uppersarsarneqarpoq, oqimaappallaarneq, sukkornissamut aarlerinaateqarneq sukkornerlu innuttaasut akornanni unammilligassaaleraluttuinnartoq. Taamatut nalaataqarnermi nappaatinik kingunerluutaasinnaasunik malitseqartarpoq, soorlu uummatip taqarsuaatigut nappaateqalernerq, tartulunneq, isigiarsunneq allallu peruluutit katsorsarneqartariaqarnermik kinguneqartartut. Piaartumik siunertaqartumillu suliniutigineqanngippata innuttaasut akornanni type 2-mik sukkortorpasuanngussapput, tamannalu nappaatip nassatarisaanik kingunerluuteqartitsinerulertoqarsinnaalluni. Apeqqummut 11-mut akissutaasut tassani aamma innersuussutigineqarput.

- 10. Naalakkersuisut qanoq naliliippat, Kalaallit Nunaanni oqimaappallaartut, pualavallaartut, sukkornissamut aarlerinartorsiorlutik inuusut aamma sukkortut amerlasuunut pissutaasut pingaarnerit suunersut?**

¹ <https://www.nice.org.uk/guidance/ta875/chapter/3-Committee-discussion#treatment-setting>

Akissut:

Innuttaasut akornanni misissuinermi aamma Atuartut akornanni misissuinermi paasineqarpoq, oqimaappallaalertartut, sukkornissamut aarlerinaateqartut sukkortullu amerlanerulernerat nerisaqarnerup allanngortinneqarneranut tunngaveqartoq. Ingammik ileqqut malillugit nerisaqannginnerulernermik nunanillu allaneersunit tikisitanik kimeqarluartunik, orsoqarpallaartunik, tarajoqarpallaartunik sukkorarpallaartunillu nerisaqarnerulernermik pissuteqarpoq. Kalaallit oqimaappallaalertartut, 1993-miilli, amerliartorput.

Innuttaasut akornanni misissuinerit aamma takutippaat, inuiaqatigiit akornanni naligiinngittoqarnerata kingunerisaanik peqqinnissatigut naligiinngittoqartoq, oqimaappallaalernissamut sukkornissamullu aarlerinaateqalertartut taakkuussut inuuniarnermikkut, inuusaasimikkut ilalisaat kingornuttakkakkullu sunnerneqartartoq. Tamatuma saniatigut innuttaasut akornanni timikkut aalatitsinngippallaarnermik ulluinnarnilu issiaarnerunermik inooriaaseqarnermi kinguneri tassani ersertarput.

11. Naalakkersuisut oqimaappallaarneq, pualavallaarneq aamma sukkorneq pinaveersaartinniarlugit suut tigussaasumik suliniutigisimavaat?

Akissut:

Inuuneritta III-mi pinaveersaartitsinissamut suliassaqaarfiit akimorlugit ataatsimullu isiginnittumik aalajangersagaqarpoq, peqqinnissaq, atugarissaarnissaq ineriartortumillu atugassarititaasut iluseqartinneqarlutik, inuiaqatigiinnik tunngaveqarlutik ataasiakkaanullu saaffiginnittumik ataqatigiissaakkamik suliniutit aqutugalugit saaffiginnippoq.

Apeqqummut pineqartumut akissutissanik aallernermit ilanngussaq Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmiit ima ilisimatitsipput:

Pingaarnertut erseqqissarneqassaaq, peqqinnissaqaarfimmi suliniutigineqartartut Isumaginninnermi aqutsisoqarfimmi Paarisap ataani akisussaaffigineqarmata, taamaammat akissutit ilaatinneqartut tassannganneerput.

Oqimaappallaarnermut, oqimaappallaarujussuarnermut sukkornermullu tunngasunik pinaveersaartitsisoqarnissaanik tigussaasumik suliniuteqanngilaq. Taamaattorli annerusumik peqqinnissaq ilorrisimaarnissarlu ukkatarineqarluni Paarisami suliniuteqartoqarpoq. Taamaattorli oqaatigineqassaaq Paarisap suliniutaani arlaqartuni toqqaannanngikkaluamik oqimaappallaalertarneq sukkortarnerlu pillugit pinaveersaartitseqataasinnaasunik suliniuteqartoqarmat. Suliniutinut taakkununga tunngasunik nassuiaasoqalaarpoq.

'Siunnersuutit peqqinnartut' naartusunut angajoqqaanullu qitornap ukioqanngitsuniit pingasuliinissaanut taamatullu sisamaniit arfinilinnik ukiulinnut peqqinnerusumik nerisassanik aalanissamillu siunnersuutitallit tigussaasumik pigineqarput. Tamatuma saniatigut oqimaappallaalinnginnissamut pinaveersaartoqarnissaanik

iluaqutaasinnaasut nerisassanut timillu aalatinnerunissaanut Paarisa suliniuteqaleruttorpoq. Ukuusut:

- *Ataatsimoorluta Aalasa, peqatigiiffinni meeqqanut inuusuttunullu toqqissisimanartumik ataatsimoortoqarnissaanut siunertaqartoq. Ataatsimoorluta Aalasa meeqqat aalanerunissaanut tapersersuisoq, meeqqanut inuusuttunullu aalanerulernissamik kajungilersitsiteqataalluni ataatsimoorussisoq.*
- *IGASA, nerisaqarnermi siunnersuutit qulit tunngavigalugit, meeqqat inuusuttullu isaanit tunngaveqartumik, atuarfinni ataatsimoorfiusinnaasuni ukkataqartumik suliniut.*
- *MANU+, nerisaqarnermut tunngasoq, angajoqqaat peqatigalugit atorneqarsinnaasoq.*

12. Meeqqanut, inuusuttunut, inersimasunut aamma ilaqutariinnut oqimaappallaarissamut, pualavallaarissamut imaluunniit sukkornissamut aarlerinartorsiornerusunut ullumikkut suut peqqinnerulernissamut siuarsaataasumik suliniutitut neqeroorutaappat?

Akissut:

Apeqqummut pineqartumut akissutissarsineri ilanngussaq Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmiit ima ilisimatitsipput:

Meeqqanut, inuusuttunut ilaqutariinnullu oqimaappallaarnermut, oqimaappallaarnerulernermut imaluunniit sukkornissamut aarlerinaatilinnut tigussaasumik suliniutinut Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmiit ilisimasaqartoqanngilaq.

Nuna tamaat isigalugu, meeqqanut, inuusuttunut ilaqutariinnullu tunngasunik, Paarisamiit suliniuteqartoqartarpoq, taamaammat oqimaappallaartunut, oqimaappallaarujussuutunut imaluunniit sukkortunut immikkut suliniuteqartoqanngilaq.

13. Naalakkersuisut qanoq naliliippat, pinaveersaartitsineri aamma peqqinnerulernissamut siuarsaanerit suliniutit maannakkut atuuttut qanoq sunniuteqartarnersut, aammalu suliniutit taakku sunniutaannik uppersaatinik peqarpa?

Akissut:

Suliniutit aallunneqartut inunnut ataasiakkaanut sullissinerusoqartoq pinaveersaartitsinerimullu ataqatigiissumik suliniuteqartoqarpiannigitoq Nuna tamakkerlugu Inuuneritta III-mut suliniutinut 2024-mi nalunaarsueqqissaartoqarnerani erserpoq. Suliniutigineqartuni taakkunani assigiissutit tassaapput peqqinnerusumik ileqqoqarluni inuuneqarnissaq siusinaarlunilu iliuuseqarnikkut napparsimalinnginnissamut pinaveersaartitsinissap ineriartortitsinissaq, ingammik meeqqat inuusuttullu akornanni taamatullu innuttaasut aarlerinaateqartumik inissisimasunut suliniuteqarnikkut.

Apeqqummut pineqartumut akissutissarsinermi ilanngussaq Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmiit ima ilisimatitsipput:

Innuttaasut ataatsimut isigalugit peqqissuseqarnerulernissat Paarisami siunertarineqartarmat, oqimaappallaartunut, oqimaappallaarujussuurtunut imaluunniit sukkortunut ukkatarinnittumik paasissutissaateqarnatalu allagaateqanngilagut.

Atuarfinni atuartunut misissuinermi paasineqarportaaq, nunatsinni meeqqat inuusuttullu akornanni nerisaqarneq pitsanngoriarsimasooq, taamaattorli nikerartumik neriffigisartakkat peqqinnanngitsunillu nerisoqartarnera suli unammilligassaasut. Tamatuma saniatigut inuuniarnikkut assigiinngitsoqarpoq, tassani ilaqutariit iluani isertitarineqartatut assigiinngissuseqarneri apeqqutaapput. Suliniutit massakkut ingerlasut kinguneqarneri ersepoq. Pisorli sukkannngilaq, tamanna ataavartumik siunertaqartumillu pinaveersaartitsisoqarnissaanik pisariaqartitsisoqartoq ersepoq.

- 14. Naalakkersuisut isumaqarpat, nuna tamakkerlugu ataqatigiinnerusumik suliniuteqarnissaq pisariaqartinneqartoq, tassani pinaveersaartitsineq, siusissukkat paasisaqarneq, inooriaatsimik ilitersuineq, nakorsaatinik katsorsartinneq aamma malitseqartitsineq katsorsaannermut aamma pinaveersaartitsinermut ataatsimoortumik aaqquissuussinermut ilaatinneqarlutik?**

Akissut:

Apeqqummut pineqartumut akissutissarsinermi ilanngussaq Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmiit ima ilisimatitsipput:

Suliniutit meeqqanut, inuusuttunut ilaqutariinnullu tunngasunut suliassaqaarfiit akimorlugit suliniutigineqartarnissaat Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmiit pingaarnertut kissaatigineqarpoq.

Nalunaarusiami *Kalaallit Nunaanni aalariaatsit (2022)* pinaveersaartitsinermi peqqinnerulernissamilu siammasinnerusumik qulaanniillu isiginninnerusumik pisariaqartitsisoqartoq ersepoq. Suliniutit innuttaasut ulluinnarsiutaanut, sumiiffinnut kulturikkullu tunuliaqutaanut tunngaveqassasut tassani ersarissarneqarpoq. Tamatuma saniatigut neqerooruteqartoqartarnissaa, ataatsimoortitsinerusoqarluni sammisaqartitsisoqarnissaa attuumassuteqartunullu neqeroorutitut pissarseriaannaanissaq pisariaqartinneqartoq oqaatigineqarpoq.

Taamaammat Naalakkersuisut ataqatigiisumik nukittorsaanissamut suliniuteqarput, tassani pinaveersaartitsineq, siusinaarluni nappaatinik paasisaqarsinnaanissaq katsorsaasoqarnissarlu aamma malitseqartitsinissaq ataatsimut suliarisariaqakkatut eqqarsaatersuutigineqarput. Pinaveersaartitsinissaq qulakkeerneqassaaq, suliniutit tulluarsarneqarlutik immikkut suliarineqartussatut inissinneqaannarnatik.

15. Naalakkersuisut innuttaasut oqimaappallaartut, pualavallaartut, sukkornissamut aarlerinartorsiorlutik inuusut aamma sukkortut pitsaanerusumik, siusinnerusukkut aamma sukkannerusumik katsorsartinneqarsinnaanissaat qulakkeerniarlugu suliniuteqassappat?

Akissut:

Innuttaasut oqimaappallaartut, oqimaappallaarujussuurtut, sukkornissamut aarlerinaateqartut sukkortullu periarfissillugit Peqqinnissaqarfimmi naleqquttumik misissuisoqartalissasoq, katsorsaasoqartassasoq malitseqartitsisoqartassasorlu Naalakkersuisunit pingaartinneqarpoq.

Peqqinnissaqarfik, ilaatigut Steno Diabetes Centeri, sukkortunik, KOL-ertunik aallu qaffasissumik naqitsineqartunut katsorsaasoqarnissaanik akisussaaffeqartuupput, tassani nunarput tamakkerlugu inuit 9000-nit amerlanerusut pineqarput. Tamatuma saniatigut oqimaappallaarnermik tunngaveqartumik katsorsartariaqartunut Stenomi nakorsaaserluni katsorsaasoqartarpoq. Innuttaasut akornanni oqimaappallaalartartut amerliartuinnartillugit suliaasaqarfimmi nukittorsaasoqarnissaanik pisariaqartitsisoqarsinnaasoq Naalakkersuisunit nalilerneqarpoq.

Inussiarnersumik



Jens Frederik Nielsen

Naalakkersuisut Siulittaasuat
Formanden for Naalakkersuisut